

## Mbunda - Vyavivi Viyongola Visoneka - Bad Mind Scriptures

Kushangumuka 26:35 Vanakazi ava vakevo vanenele vusiwa kuli Isake na Lembeka.

Kwituluka mu Mashiko 28:65 Akati ka miyati ije kumukawana kwoloka, kukwesi mutambela umo uvakatumbula ngwavo unapu weni wai. Oloni Shukulu Kalunga akamyana vimbunge vyakujakama, kujeneka kumbako mbunge, nakuzyea kwakama.

Lute 1:18 Omo Naumi wamwene ngeci Lute namukakateya kuya amo nendi, co kendekele lalo cuma cimo.

2 Samwele 17:8 Yove wazivuka ngeci isho Ndaviti na vanu vendi vapwa vaka-kulwa va nzili, co lalo vakevo vatemesa manene ngwe mbeya uvanevila vana vendi mu civulili. Isoh wapwa lishwalale wamukalu, vutsiki kesi kukala amo na vanu vendi.

Visimo 21:27 Shukulu Kalunga wazinda viñombelo vyva vaka-vuvi, vaje vamukombelela na matumbe a vuvi.

Visimo 29:11 Vilema vakasholola vukalu vwavo vvoshe, oloni vakanama vakasimpi navwo.

Ezekiyele 23:17,22,28 Co vaMbambilone vezile nakulinga nendi vupangala. Vamupangesele nakumujwalesa manene, co ku mamaneselelo vamwenukwile. 22 Ngecivene, Oholimba, evi vikevyo vinjendeka kuli yove yange Kalunga wa Akamwa ya Vyoshe. Unenukwa vikwizi voce, oloni yange njikavalingisa ngeci valuvale nove nakuvanena ngeci vakuzengeleke. 28 Evi vikevyo vyalinakwendeka Shukulu Kalunga wa Akamwa ya Vyoshe ngwendi, "Yange njikakukundika ku mavoko a vanu vaje vawazinda nakwenukwa.

Ezekiyele 36:5 Yange Kalunga wa Akamwa ya Vyoshe, njinendeka na vukalu vwange vwakulwisa miyati yavazengeleka, vunene kulwisa Endome. Mukuvwaelela na mu kashaundu kavo, vafungulwile lifuti lyange nakutumbula mutambela wa vulilo vwa vimuna vange.

Ezekiyele 38:10 Evi vikevyo vyalinakwendeka Shukulu Kalunga wa Akamwa ya Vyoshe kuli Ngonge ngwendi, "Omo simbu ije ikaija, co ukashangumuka kutumba vutumbe vwavuvi.

Ndanye 5:20 Oloni omo walyalesele nakukaluwisa mbunge, nakupwa wa muuka, co vamutundisile a litanda lyendi lya vumwene na kasingimiko kendi kahwile.

Luka 12:29 "Ngecivene, kesi mulishoshomwene ngweni, 'Tukalya

vika?' Nambe 'Tukanwa vika'?

Vilinga nya Miluwa 12:20 Helonde waluvalele manene na vanu va ku Tile na ku Sindone, ngecivene, vaile mu mbunga yavo vakamone Helonde. Akulivanga valambelelele Mbalasitase muka-kunyunga ku lipela ngeci avakwase. Asinoni vaile kuli Helonde nakumulomba ngeci kukale kwoloka, omwo lifuti lyavo lyakele nakutambula vyakulya vyakutunda ku lifuti lya mwene.

Vilinga nya Miluwa 14:2 Oloni vaYunda vaje vajenekele kukulaela vashongangeyeye vaje kesi vaYunda nakutengulukila vaka-kukulaela.

Loma 1:28 Omwo vanu ava vanavyana kunyunga vushunga vwakuzivisia Njambi mu viyongola vyavo, Njambi navecelela vakale na mana amavi, ngeci valinge vyuma vije kuvapandele kulinga.

Loma 8:6,7 Nga cizango ca vusitu cikutwamenena, co fweto yaco kutsa, oloni nga cizango ca Munzinzime cikutwamenena, co fweto yaco inapu mwonyo na kwoloka. 7 Omwo cizango ca vusitu cikeco cinena vutozi kuli Njambi, kucasa kwononoka Mashiko a Njambi, co kucitava vene.

Loma 11:20 Eci cinapu ca vushunga. Vavajokweleko omwo kuvakulaelele, oloni yeni munatumbama mu mwela weni omwo munakulaela. Oloni kesi mulyalese a viyongola evi, munapande kuziva lyova.

- 2 Kolinte 10:5 tulinakutundisa kulyalesa kwoshe kuje kwakutanukisa kuje kulinakulwisa mana a Njambi, tulinakutundisa viyongola vyoshe nakuvyaka ku vundungo ngeci vyononoke kuli Kilistu.
- 2 Kolinte 11:3 Oloni njili na lyova ngwange ngwe omo linyoka wakwisile Eva nakunyanyama kwendi, amo viyongola vyeni vikazimbalesa kulikundika kweni kwamutunu kwakujela kuli Kilistu.

Efeso 2:3 Mwa vushunga vene tuvavoshe twafwile ngwe vakevo, co twayoyele vene ngwe ku cisemwa ca mashungu etu a vunu, twalingile vije vyoshe mivila yetu na mana etu akele nakuvilinga. Ku cisemwa cetu ca vunu ngwe vanu voshe, vatwimikilile tuyande ku vukalu vwa Njambi.

Efeso 4:17 Ngecivene, mu lizina lya Mwene, njiminangula ngwange, kesi muyoye ngwe vaje vaka-kujeneka kukulaela, vaje viyongola vyavo vyapwa vyangoco,

Kolose 1:21 A simbu imo yeni mwakele kulyala na Njambi, co mwapwile vitozi vendi omwo vyuma vyavivi vije mwalingile nakuyongola.

Kolose 2:18 Kesi mutave vamihise kuli umo uje alisholola ikeye vavenya kupwa wakama omwo a vimona vimo vije endeka akulilumbilisa kwa makuli nakulemesa tungelo. Omwo vanu va cifwa cangacije vakalyalesa na viyongola vyavo vya vunu,

- 1 Tesalonika 5:14 Vakwetu, tumisindiya ngwetu munangule volwa, takameseni vipapoki, kwaseni vaka-kuzeya, pweni vaka-lukakateya kuli voshe.
  - 2 Tesalonika 2:2 kesi mukale na citanga vwasi-vwasi mu viyongola vyeni nambe cishota-mbunge ngweni Litangwa lya Mwene linete. Amo vayongola ngeci twendekele eci omo twambulwile vuka-kwimanena nambe omo twambulwile lijwi, nambe amo twasonekele eci mu mukanda.
  - 1 Timateo 6:5 na vimata simbu yoshe kuli vanu vaje mana avo kuwesi kupanga, co kuvesi na vushunga. Vayongola ngwavo ngila ya vu Njambi ikeyo yapwa yakufukisa.
  - 2 Timateo 3:8 Ngwe Njane na Njambele valwisile Mosesa, ngecivene, na vanu ava lalo valinakulwisa vushunga, vanu vaje mana avo kuwesi nakupanga, co vanapu vaka-kwonwa mukukuela.  
Tito 1:15 Vyuma vyoshe vinajele kuli vaje vanajele, oloni kukwesi cuma cakujela kuli vaje vanalijwalesa, co lalo kesi vaka-kukukuela, omwo mana avo na citaku-taku cavo vinajwala.
- VaHevelu 12:3 Yongoleni muje mwetile, omo wayandelele vizindo vya vaka-vuvi! Ngecivene, kesi mujuke kulinga mwamuvwa nambe kwenukwa.
- Yakomba 1:8 Munu wa vimbunge vivali akapelyangela mu vingila vyendi vyoshe.

Pastor T. John Franklin  
Church of Salvation, Healing, and Deliverance  
COS-HAD.org